

COPIA AUTÉNTICA. El documento electrónico ha sido aprobado. Este documento ha sido firmado por INTERVENCIÓN GENERAL. AYO A CORUÑA a las 11:00 del día 21/04/2023, Dir. Área de Economía, Facenda e Réxime Interior (MANUEL ANGEL JOVE LOSADA) a las 21:20 del día 21/04/2023, Concellero Delegado de Economía, Facenda e Réxime Interior (JOSE MANUEL LAGE TUNAS) a las 10:08 del día 24/04/2023 y por ACTIVIDAD CORPORATIVA. AYO A CORUÑA a las 10:08 del día 24/04/2023. Mediante el código de verificación 216Z1F6L005P0V0R05BG puede comprobar la validez de la firma electrónica de los documentos firmados en la dirección web https://sede.coruna.gal/Anotada en el Libro de Resoluciones por delegación de la JGL con el núm. COR/RES/7883/2023 el 24/04/2023



Ayuntamiento de A Coruña
Concello da Coruña

Anotada en el Libro de Resoluciones de la Junta de Gobierno Local, con el núm: RES/AYT/7883/2023 24/04/2023

Area / Unidade RR.HH PE0000 MJIB	Documento 10817I04EM	
Código de verificación  216Z 1F6L 005P 0V0R 05BG	Expediente 108/2023/631	
	Data 19-04-2023	

Asunto: Cobertura en comisión de servicios do posto de xefatura de unidade de Orzamentos e Estudos Económicos (ref. posto 2164).

RESOLUCIÓN

ANTECEDENTES DE FEITO

Primeiro.- A xefa do Servizo de Orzamentos e Estudos Económicos con conforme do director da Área de Economía, Facenda e Réxime Interior, no informe de data 20/03/2023 e número de verificación 2S0Z186V5W135O2N012I, remite ao servizo de RR.HH. unha solicitude de convocatoria pública para a cobertura, mediante comisión de servicios, do posto de xefatura de unidade de Orzamentos e Estudos Económicos, número 2164 da RPT.

Dita cobertura temporal do posto de traballo solicítase debido debido á necesidade de cubrir o citado posto que se atopa vacante para realizar as tarefas de apoio á xestión económica nos departamentos ou servizos nos que non hai un/unha xestor/a económico-orzamentario, así como para realizar tarefas de xestión económica no suposto de que o/a xestor/a económico-orzamentario teña encomendadas funcións en distintos servizos. Concretamente neste caso é necesario a cobertura deste posto para o correcto funcionamento las labores de xestión económica-orzamentaria nos Servizos de Informática e Innovación Tecnolóxica.

Segundo.- Con data 22 de marzo de 2023 o Servizo de RR.HH. publica un anuncio de convocatoria para a cobertura temporal, entre outros, do seguinte posto de traballo, en base a petición efectuada pola xefa do Servizo de Orzamentos e Estudos Económicos:

- Xefatura de unidade de Orzamentos e Estudos Económicos (Servizo de Orz. Est. Económicos), referencia 2164.

No citado anuncio, indicase que o persoal funcionario de carreira, que conforme a RPT vixente e as normas de xestión, reúna os requisitos necesarios para a ocupación de este posto de traballo e que quixera participar nesta convocatoria, deberá presentar a correspondente solicitude nun rexistro municipal, acompañada dun currículo, no prazo de 5 días hábiles, a contar dende o día seguinte á publicación deste anuncio.

Terceiro. As características do posto de traballo a cubrir, segundo os datos que constan na Relación de Postos de Traballo vixente, son as que se detallan na seguinte táboa:

Servizo	Cod.Unid Org.	Unidade Org.	Ref. posto	Posto de traballo	Gr.	N	Escala	Element. Espec.	FP	Adm.
Orz. e Est. E.	SH0000	Orz. e Est. E.	2164	Xef. Unidade	A2/C1	22	AX	FR09 ED	C	AY

CONSIDERACIÓNS LEGAIS E TÉCNICAS

Primeira.- O artigo 96 da Lei 2/2015, de 29 de abril, do emprego público de Galicia, regula a comisión de servizos voluntaria, onde establece que os postos de traballo reservados ao persoal funcionario de carreira pódense prover excepcionalmente e de maneira temporal mediante unha comisión de servizos voluntaria. O artigo 64.6 do Real Decreto 364/1995 de 10 de marzo polo que se aproba o Regulamento Xeral de Ingreso do Persoal ao servizo da Administración Xeral do Estado e de provisión de postos de traballo e promoción profesional dos funcionarios civís da Administración Xeral do Estado establece que aos funcionarios en comisión de servizos reservaráselles o posto de traballo, o que hai que relacionar que o apartado 8 do art. 4 do Decreto 92/1991 de 20 de marzo polo que se aproba o regulamento de situacións administrativas dos funcionarios da Administración da Comunidade Autónoma de Galicia dispón que a comisión de servizos será desempeñada voluntariamente salvo nos casos de carácter forzoso.

Así mesmo, o artigo 30 do Decreto 151/2022, do 4 de agosto, polo que se aproba o Regulamento dos procedementos de mobilidade do persoal funcionario de carreira da Administración xeral da CCAA de Galicia e das entidades públicas instrumentais integrantes do sector público autonómico, establece que o persoal funcionario de carreira con destino definitivo poderá ocupar, excepcionalmente e de maneira temporal, un posto de traballo en comisión de servizos de carácter voluntario sempre e cando pertenza ao corpo ou escala e reúna os demais requisitos que estableza a correspondente relación de postos de traballo.

As comisións de servizos poderán acordarse, entre outros supostos, para desenvolver un posto de traballo cando estea vacante; entendendo que un posto está vacante cando non ten titular, cando o seu titular estea ocupando outro posto en comisión de servizos ou cando estea de permiso por parto, permiso por adopción, garda con fins de adopción ou acollemento, ou permiso do proxenitor diferente da nai biolóxica por nacemento, acollemento, garda con fins de adopción ou adopción dun fillo ou filla.

O posto da RPT nº 2164, de xefatura de unidade de Orzamentos e Estudos Económicos, actualmente atópase vacante e non ten reserva legal.

Segunda.- O Xefe de Servizo de Recursos Humanos, co conforme do Director da Área de Economía, Facenda e Réxime Interior, con data 17/04/2023 e código de verificación 1V0W2M0R6I555L420FNV, unha vez examinadas as solicitudes recibidas e os CV dos candidatos presentados, así como o informe de data 13/04/2023 da xefa do Servizo de Orzamentos e Estudos Económicos (CSV 3P4P0R5A2M2Q685S00MQ), emite unha proposta de nomeamento de Dona M^a Dolores Castro Gende, en comisión de servizos, no posto de xefatura de unidade de Orzamentos e Estudos Económicos (ref. posto 2164).

Terceira.- Cabe indicar, en relación á motivación da adxudicación dun posto en comisión de servizos á persoa considerada máis idónea, a sentenza nº 472/2022 do 1 de xuño de 2022 do Tribunal Superior de Xustiza de Galiza, a cal establece que ao tratarse dun sistema excepcional e temporal non require un proceso de selección ordinario no que exista unha publicidade dun baremo e unha valoración provisional de méritos. A comisión de servizos é unha vía excepcional de provisión temporal dun posto de traballo cuxa cobertura resulta necesaria e urxente a través da designación do persoal funcionario de carreira que resulte idóneo e cumpra as esixencias para o seu eficiente desempeño. Por tanto, esa nota de urxencia e idoneidade, outórgalle un plus de discrecionalidade á Administración convocante, respectando sempre os principios de igualdade, mérito e capacidade.

Por tanto, considerando a urxente necesidade de cobertura do posto de xefatura de unidade de Orzamentos e Estudos Económicos (ref. posto 2164) e co fin de que non se produza discontinuidade no



Ayuntamiento de A Coruña Concello da Coruña

funcionamento do Servizo de Orzamentos e Estudos Económicos, e tendo en conta o disposto nos arts. 81 e 84 do Real Decreto Legislativo 5/2015, de 30 de outubro, polo que se aproba o texto refundido da Lei do Estatuto Básico do Empregado Público, o art. 96 e ss da Lei 2/2015, de 29 de abril, do emprego público de Galicia, e o art. 30 do Decreto da Xunta de Galicia 151/2022, do 4 de agosto e demais normas concordantes, así como que a funcionaria proposta reúne os requisitos establecidos na RPT en vigor, procede destinar a Dona M^a Dolores Castro Gende, en comisión de servizos, ao posto de traballo de xefatura de unidade de Orzamentos e Estudos Económicos, referenciado co número 2164 na RPT.

Cuarta.- Esta comisión de servizos ten carácter temporal e a súa duración será ata o 15/08/2023. Dita comisión de servizos pode prorrogarse, respetando os límites máximos establecidos na normativa vixente, ata a celebración, no seu caso, do correspondente proceso de provisión de postos. Unha vez terminada esta comisión de servizos, a citada funcionaria volverá ao seu posto de orixe en caso de non obter este posto con carácter definitivo polos sistemas legalmente establecidos.

As características do citado posto de traballo son as seguintes:

Servizo	Cod.Unid Org.	Unidade Org.	Ref. posto	Posto de traballo	Gr.	N	Escala	Element. Espec.
Orz. e Est. E.	SH0000	Orz. e Est. E.	2164	Xef. Unidade	A2/C1	22	AX	FR09 ED

Quinta. O posto de orixe de Dona M^a Dolores Castro Gende, segundo os datos que constan na Relación de Postos de Traballo, descríbese na seguinte táboa:

Servizo	Código	Unidade Org.	Posto	Ref.Posto	G	N	Esc	C.E.
Orz. Est. Ec.	SH0000	Orz. Est. Econ.	Xef. Unidade	99	A2/C1	22	AX	FR09

Sexta.- Os custos que xenere esta comisión de servizos atópanse orzados no grupo de programa 931 do orzamento prorrogado ao ano 2023, existindo crédito adecuado e suficiente para iso.

Sétima.- O órgano que ostenta a competencia en materia de persoal, segundo o disposto no art. 127.1. da Lei 7/1985, de 2 de abril, reguladora das Bases de Réxime Local, é a Xunta de Goberno Local. Por acordo da Xunta de Goberno Local de data 28/06/2019 (BOP nº 124 de 03/07/2019), atribúese delegación xenérica en materia de xestión de persoal ao Concelleiro delegado de Economía, Facenda e Réxime Interior.

Á vista do informe emitido polo servizo de Recursos Humanos, o Concelleiro de Economía, Facenda e Réxime Interior por delegación da Xunta de Goberno Local do 28/06/2019 (BOP núm. 124 do 03/07/2019), en uso das facultades que ten conferidas,

RESOLVE:

1.- Destinar a Dona M^a Dolores Castro Gende (NIF ***4727**), en comisión de servizos, ao posto de xefatura de unidade de Orzamentos e Estudos Económicos, número 2164 da RPT As características do posto a ocupar son as descritas na seguinte táboa:

Servizo	Cod.Unid Org.	Unidade Org.	Ref. posto	Posto de traballo	Gr.	N	Escala	Element. Espec.
Orz. e Est. E.	SH0000	Orz. e Est. E.	2164	Xef. Unidade	A2/C1	22	AX	FR09 ED

Os efectos económicos e administrativos desta comisión de servizos serán os do día da formalización da correspondente acta de aceptación.

2.- Esta comisión de servizos ten carácter temporal e a súa duración será ata o 15/08/2023. Dita comisión de servizos pode prorrogarse, respetando os límites máximos establecidos na normativa vixente, ata a celebración, no seu caso, do correspondente proceso de provisión de postos. Unha vez terminada esta comisión de servizos, a citada funcionaria volverá ao seu posto de orixe en caso de non obter este posto con carácter definitivo polos sistemas legalmente establecidos.

3.- Notificar a presente resolución á interesada e á xefa de Servizo de Orzamentos e Estudos Económicos.

A Coruña, na data da sinatura electrónica deste documento

A XUNTA DE GOBERNO LOCAL, P.D.

Concelleiro Delegado de Economía, Facenda e Réxime Interior

José Manuel Lage Tuñas